

ხელშეკრულება აუდიტორული  
მომსახურების შესყიდვის შესახებ #25  
CPV79200000

ქ.წალენჯიხა

9 ივლისი 2019 წელი

აუდიტორული ფირმა შპს `აუდიტ -ექსტრა` შემდგომში "შემსრულებლად" წოდებული მისი დირექტორის ოლეგ ზარქუა სახით, ერთის მხრივ და მეორეს მხრივ სსიპ „წალენჯიხის მუნიციპალიტეტის ლიის თემის #1 საჯარო სკოლა“ წარმოდგენილი მისი დირექტორის ელგუჯა როგავას სახით შემდგომში "დამკვეთად" წოდებული, ერთად წოდებული "მხარეები" სახელმწიფო შესყიდვების კანონის საფუძველზე ვთანხმდებით და ვდებთ წინამდებარე ხელშეკრულებას შემდეგზე:

1. ხელშეკრულების საგანი:

1.1 დამკვეთი ავალებს ხოლო შემსრულებელი კისრულობს საქართველოს მოქმედი კანონმდებლობისა და აუდიტის სტანდარტების შესაბამისად, სსიპ წალენჯიხის მუნიციპალიტეტის ლიის თემის N1 საჯარო სკოლის N5 შენობის ტექნიკური მდგომარეობისა და ღირებულებით შეფასების დადგენას.

1.2. აუდიტორული დასკვნა წარმოდგენილ იქნეს არაუგვიანეს 2019 წლის 30 ივლისამდე.

2. მხარეთა უფლებები და ვალდებულებები:

2.1 "შემსრულებელი" ვალდებულია:

2.1.1. დაიწყოს შემოწმება ხელშეკრულების ხელმოწერიდან ერთი კვირის განმავლობაში.

2.1.2. მოქმედი კანონმდებლობის, ნორმებისა და სტანდარტების, "დამკვეთთან" დადებული ხელშეკრულების პირობების, პროფესიული ცოდნისა და გამოცდილების საფუძველზე დამოუკიდებლად განსაზღვროს აუდიტის ჩატარების ფორმები და მეთოდები.

2.1.3 მიიღოს "დამკვეთის" ან მესამე პირების ხელთ არსებული ყველა საჭირო დოკუმენტი, რომლებიც შეეხება აუდიტის საგანს. ასეთი დოკუმენტების მქონე მესამე პირები ვალდებული არიან წარუდგინონ ისინი აუდიტორს (აუდიტორ ფირმას) "დამკვეთის" მიერ დამოწმებული მოთხოვნის შესაბამისად.

2.1.4. საიდუმლოდ შეინახოს აუდიტორული მოსახურების დროს მიღებული ინფორმაცია, არ გაახმაუროს საიდუმლოების შემცველი ცნობები, არ გამოიყენოს ისინი თავიანთი ან მესამე პირის ინტერესებისათვის.

2.1.5. მომსახურების დასრულების შემდეგ წარუდგინოს "დამკვეთს" შემოწმების პროგრამის მიხედვით ანგარიშის საფუძველზე შედგენილი აუდიტორული დასკვნა.

2.2 "დამკვეთი" ვალდებულია:

2.2.1 "შემსრულებელს" დროულად, მოთხოვნისთანავე გადასცეს აუდიტის ჩასატარებლად საჭირო მთელი დოკუმენტაცია, რომელთა ნუსხასაც წარუდგენს აუდიტორი წერილობით მოთხოვნაში. წარმოდგენილ დოკუმენტაციის უტყუარობაზე, სისრულეზე და შესაბამისობაზე პასუხისმგებლობა ეკისრება "დამკვეთს" და/ან მესამე პირს.

2.2.2. მოსახურების ხარისხიანად ჩატარების მიზნით გამოყოს სამუშაო ადგილი და უზრუნველყოს კომპიუტერული და სხვა სახის საჭირო მოწყობილობით.

2.2.3. ოპერატიულად აღმოფხვრას აუდიტორული შემოწმებით გამოვლენილი ნაკლოვანებები.

2.2.4. აუცილებლობის შემთხვევაში უზრუნველყოს შემოწმების პერიოდში წამოჭრილ სადაო საკითხებთან დაკავშირებით თავისი თანამშრომლებისა და მესამე პირების დასწრება.

2.2.5. დროულად აანაზღაუროს აუდიტორის მომსახურება ამ ხელშეკრულების პირობების შესაბამისად.

3. მომსახურების ღირებულების და ანგარიშსწორების წესი:

3.1. აუდიტორის მიერ ამ ხელშეკრულებით გაწეული მომსახურების ღირებულება შეადგენს 450 (ოთხასორმოცდაათი) ლარს;

3.2. ხელშეკრულებით განსაზღვრული თანხის ანაზღაურება განხორციელდეს უნაღდო ანგარიშსწორებით.

4. მხარეთა პასუხისმგებლობა:

4.1. მომსახურების საფასურის გადახდის დაგვიანებისათვის "დამკვეთი" ვალდებულია გადაუხადოს "შემსრულებელს" ჯარიმა ყოველ ვადაგადაცილებულ დღეზე ხელშეკრულებით განსაზღვრული თანხის 0,1%-ის ოდენობით;

4.2 "შემსრულებლის" მიზეზით "დამკვეთისათვის" დასკვნის გადაცემის დაგვიანებისათვის "შემსრულებელი" იხდის ჯარიმას ყოველი ვადაგადაცილებულ დღეზე ხელშეკრულებით განსაზღვრული თანხის 0,1%-ის ოდენობით, ხოლო ანგარიშისა და აუდიტორული დასკვნის არ წარმოდგენის შემთხვევაში პირგა-სამტებლოს, ხელშეკრულებით განსაზღვრული მომსახურების სრული საფასურის ოდენობით.

4.3 სხვა შემთხვევაში ამ ხელშეკრულებით განსაზღვრული თავისი მოვალეობების შეუსრულებლობისათვის ან არასათანდოდ შესრულებისათვის მხარეები პასუხს აგებენ მოქმედი კანონმდებლობის შესაბამისად.

#### 5. ფორს-მაჟორი:

5.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და შემსრულებლისათვის ხელშეკრულების შესრულების გარანტიის დაუბრუნებლობას.

5.2. ამ მუხლის მიზნებისათვის `ფორსმაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული "დამკვეთსა" და/ან "შემსრულებლის" შეცდომებსა და დაუდურობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და სხვა.

5.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა აცნობოს წერილობით მეორე მხარეს ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

#### 6. დავათა გადაჭრა:

6.1. მხარეები სადაო საკითხებს წყვეტენ ურთიერთშეთანხმების საფუძველზე, წინააღმდეგ შემთხვევაში მიმართავენ სასამართლოს.

#### 7. ხელშეკრულების ძალაში შესვლა და მოქმედების ვადები:

7.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2019 წლის 1 აგვისტომდე.

#### 8. ზოგადი დებულებები:

8.1. წინამდებარე ხელშეკრულებაში ცვლილებები და დამატებები შეიძლება შეტანილ იქნეს წერილობითი ფორმით და ძალაში შედის მხოლოდ ორივე მხარის სრულყოფილებიან წარმომადგენელთა მიერ მათი ხელმოწერის შემდგომ.

8.2. მხარეები თანხმდებიან, რომ ის ურთიერთობანი, რომელიც არ წესრიგდება წინამდებარე ხელშეკრულებით რეგულირდება საქართველოს მოქმედი სამოქალაქო კანონმდებლობით.

8.3. ხელშეკრულება დადებულია ქართულ ენაზე, ორი თანაბარი იურიდიული ძალის მქონე ეგზემპლარად, თითოეული მხარისათვის.

9. მხარეთა რეკვიზიტები და ხელმოწერები:

“დამკვეთი”

სსიპ „წალენჯიხის მუნიციპალიტეტის ლიის თემის #1 საჯარო სკოლა“

საიდენტიფიკაციო კოდი [242736018](#)

ბანკის რეკვიზიტები: ლიბეთი ბანკის წალენჯიხის ფილიალი  
ბანკის კოდი: LBRTGE22

“შემსრულებელი”

Sps `აუდიტ ექსტრა`

საიდენტიფიკაციო კოდი [242734136](#)

ბანკის რეკვიზიტები: ლიბეთი ბანკის წალენჯიხის ფილიალი  
კოდი LBRTGE22

ანგარიშსწორების ანგარიში GE44LB0113111933221000

“დამკვეთი”

“შემსრულებელი”

დირექტორი:

დირექტორი:

/ელგუჯა როგავა/

/ოლეგ ზარქუა/